

本书出版得到国家古籍整理出版专项经费资助

清代吏治史料

线装书局



官员管理史料三一

清代吏治史料

綫裝書局

新學
社
PDG

經筵講官太子太保保和殿大學士兼管吏部戶部尚書事加二級臣張廷玉等謹

題為遵

旨旨明事該臣等職得浙江總督管巡撫事李衛疏稱監生考職一案欽奉諭旨代考得官之人及託人代考者俱准自行出首臣准部咨欽遵通飭在案茲據布政使高斌等詳稱雍正元年捐納監生張雲間於雍正五年託表叔唐習文代考止圖得一職銜不意考授主簿之後奉

旨引

見以即用註冊維時相隔數千餘里尚不知情及聞信恐懼不敢赴部投供選缺今逢

恩旨

據實同唐習文條陳前情自行出首又康熙四十年捐納監生蔡祖禮於康熙四十八年間伊父蔡文謨託人代考縣丞職銜因彼時組禮年幼不知代考之人姓名而事隔二十餘年父故已久無從查問雖非引

見案內之人但當日實未親身赴考遵

旨首明除部照送部查核外臣查張雲間託人代考職銜未知引

見情由事後畏懼不敢赴部投供選缺即同代考之唐習文據實投首其蔡組禮係康熙四十八年伊父託人代考未嘗引

見得官父故年久無從查問代考之人姓名今皆遵

旨首明理合具題伏乞

勅部議覆施行等因前來 查雍正六年七月二十九日奉

上諭貢監生考職即用人員內有項冒之人准其自行出首若代考得官之人

違旨出首朕酌量寬減其罪其託人代考者情罪較輕若遵旨出首但筆去

監生不治其罪其從前歷年考職監生有代考得官者俱照此例行欽遵在

案今該督既稱張雲間於雍正五年託唐習文代考主簿職銜未知引

見情由事後畏懼不敢赴部投供選缺即同代考之唐習文自行投首等語應將

張雲間代考主簿職銜革退仍遵

旨章去監生免其治罪至代考唐習文雖經事後畏懼回

代為引

見得以即用註冊應遵

旨交興刑部分別定擬請

旨再該督撫跪稱據捐納監生蔡組禮首稱于康熙四十

考縣丞職銜未曾引

見得官今因父故年久無從查問代考之人應遵

旨首明等語查從前考職貢監生欽奉

上諭有代考得官者俱令自首今監生蔡組禮係康熙四十八年託人代考縣

丞職銜並未得官今又自行出首可否止將縣丞職銜革去之處出自

天恩臣等未敢擅便謹

題請

旨雍正七年四月十三日題本月十五日奉

旨依議蔡組禮並未得官又自行出首著革去縣丞職銜從寬免革監生

巡撫甘肅寧夏臨鞏等處地方督理軍務兼理茶馬都察院左副都御史
加四級紀錄二次臣許容謹

題

為時叅敗檢劣員等事竊查縣令一官百姓稱為父母
隅自持方為無忝厥職詎有署隆德縣事試用知縣劉光碧者少年狂妄
行止不端緣瓦亭驛地方向有店家羅先春寓留娼婦官五兒在店接客
劉光碧來陝之時道經此地即與茲宿嗣經委署隆德縣事每遇公事上
府往來俱在羅先春店內歇宿與官五兒相交甚密計圖買娶因與羅先
春拜為弟兄隨於雍正六年十月初十日講定身價銀二百四十兩即於
次日將五兒扮為良人送至隆德縣趙姓家內至晚搬入署中見為侍妾
似此劣蹟昭著大玷官箴斷難一日姑容正在譴疏糾叅據布政使孔毓
璞按察使李世倬平慶道趙象楠平涼府知府李桐各揭報前來與臣訪
聞無異所當特疏

題
叅請

旨將劉光碧革職以便審擬再查瓦亭驛係華縣地方該署縣事試用知縣魏

巍漫無覺察相應一併附參聽候部議會同督臣岳鍾琪謹題請

旨雍正七年三月二十三日題四月十五日奉

旨這所參劉光碧著革職其買娼為妾情由該撫嚴審究擬具奏餘著察議具
奏該部知道

題

兵部右侍郎兼都察院右副都御史總督浙江等處地方軍務兼理糧餉
管理巡撫事加六級紀錄二次又軍功紀錄一次駐扎杭州臣李衛謹
為糾參衰病縣令等事竊照邑令職司牧民雖地方繁簡不同均有錢糧
刑名之任倘以衰庸竊祿則諸事廢弛所關非細查有處州府松陽縣知
縣楊國琦才本平常因地方尚不甚繁劇臣屢加申飭冀其勉力供職而
該員素性因循仍然不能振作且年逾六旬志氣更作委靡精力日見衰
邁難望後改又嚴州府桐廬縣知縣劉睿奇實年六十餘歲帶病到任精
神衰弱懶於理事桐邑亦屬沿江通衢中縣錢糧詞訟不便聽其貽誤此
二員者留之在任俱於地方民生無益又據司道府揭報前來相應

題
恭請

旨勒

令休致所遺各員缺查有奉

旨到

浙試用之生員孫翼先經委署餘杭縣事今新令已經到任該員現在空
閒請以委署松陽縣試用又署仁和縣事試用州同唐漸未勝省會繁劇

經臣另疏

題請改調中縣其于桐廬尚屬相宜請以唐漸暫行署理俟到任稱職另請實授倘有不職分別輕重

題 恭臣謹會

題 伏乞

皇上 睿鑒勅部議覆施行謹題請

旨雍正七年三月二十一日題四月十五日奉

旨楊國琦等著議處具奏該部知道

巡撫雲南姜建昌卑節等處地方贊理軍務姜督川廣兵餉都察院右副都御史加一級紀錄三次降一級留任又降一級

廷正謹

奏為恭謝

天恩事竊一介庸才至愚極陋仰蒙

聖主天恩逾格擢授封疆歷任以來既

訓勵之頻加復

矜全之屢及旬念知識淺短心欲辭夫

高厚力每躋于驚駭私柔惶愧正在寤寐難安今臣又因前在福建布政使

任內失察署南靖縣事候補知縣呂國祐虧缺銀穀等項部議降二級調

用特荷

洪慈復賜寬免臣跪讀之下感悚交集不禁淚從心出無地自容似此屢蒙

恩宥雖天地包涵覆載亦未能彷彿如此之

殊恩臣即肝腦塗地奚足云報惟有罪愆悔過益加兢惕竭盡犬馬愚誠以期
無負

皇上格外生成之恩於萬一耳臣不勝激切恐懼之至謹具奏

聞雍正七年三月初四日奏四月十五日奉

旨該部知道

吏部等部經筵講官太子太保保和殿大學士兼管吏部戶部尚書事加
二級臣張廷玉等謹

題為題明事該臣等會議得雍正六年六月初一日至初十日所有官員承
審遲延罰俸之案八件緝亮不力住俸罰俸之案四件軍犯脫逃罰俸之
案一件失察賭博罰俸之案一件承查承變遲延罰俸之案二件糧船失
風罰俸之案一件交代遲延罰俸之案四件造冊遲延罰俸之案五件遲
悞本章罰俸之案一件檢驗不實降級之案一件完解遲延罰俸之案一
件承追督催不力降俸罰俸之案二件三件共五十二件相應開列彙

題俟

命下之日臣等部遵奉施行臣等未敢擅便謹

題請

旨

計開

一件為泣寃男命事查得原任福建巡撫常賚疏稱蔡氏控告沈敏致死伊男徐石一案六個月限滿未據審解將承審遲延署詔安縣事候補知縣鄒維洛指參等因前來 應將署詔安縣事候補知縣鄒維洛照例罰俸三個月

一件為稟報事查得刑部咨稱原任山東巡撫塞楞額以濟寧州人劉宗夏判死閻會祖一案六個月限滿並未審解將承審遲延濟寧州知州馮慶長等咨參原咨送吏部議等因前來 除署濟寧州事魚臺縣

知縣王彬已經別案革職無庸議外應將承審限內卸事濟寧州解任知州馮慶長照例於補官日罰俸三個月逾限不及一月濟寧州離任知州高令樹照例於補官日罰俸三個月

一件為報呈事查得刑部咨稱原署直隸總督事務宜兆熊等以遵安縣揣秀控告旗人揣玉兒強姦伊妻岳氏致氏縊死一案陸個月限滿未據審解將承審遲延理事通判溫普等咨參原咨送吏部議等因前來 應將承審遲延理事通判溫普署遵安縣知縣黃銘均照例各

罰俸三個月查黃居敬係試用之員又經離任應於補官日罰俸三個月

一件為號伸母命事查得刑部咨稱原任蕪州巡撫陳時夏山陽縣殷啟通致死蔣氏一案六個月限滿未據審
試用知縣黃寅咨奉原咨送吏部議等因前來
應將承審遲延署山陽縣事試用卸事知縣黃寅照例於補官日罰俸三個月

一件為叩驗詳究事查得刑部咨稱原任蕪州巡撫陳時夏以丹陽縣民周公三之妻王氏緘死一案陸個月限滿未據招解將承審遲延丹陽縣知縣魏化麟咨奉原咨送吏部議等因前來
除署丹陽縣事鎮江府通判周之準承審未及一月無庸議外應將承審遲延原任丹陽縣知縣派往江南分查錢糧今補江陰縣知縣魏化麟照例於現任內罰俸三個月

一件為活殺男命事查得刑部咨稱原任蕪州巡撫陳時夏以丹徒縣民朱煥章毆死管東升一案六個月限滿未據招解將承審遲延丹徒

縣知縣張廷煌咨叅原咨送吏部議等因前來

應將承審遲延并

徒縣知縣張廷煌照例罰俸三個月

一件為報鳴地方事查得刑部咨稱原任蘄州巡撫陳時夏以如皋縣監

生梅殿聞等毆傷叢友麟身死一案六個月限滿未據審解將承審遲

延如皋縣知縣丁銓咨叅原咨送吏部議等因前來 應將承審遲

延如皋縣知縣丁銓照例罰俸三個月

一件為察出頂冒假官等事查得安慶巡撫魏廷珍咨稱原任廣德州華

職州判王治奇頂冒假官冒濫軍功一案四個月限滿未據審解將承

審遲延廣德州知州丁勺曾咨叅等因前來 應將承審遲延廣德

州丁勺曾知州丁勺曾照例於補官日罰俸三個月

一件為報明故屍事查得刑部咨稱原任蘄州巡撫陳時夏以寶應縣下

家庄溝內有勒死婦屍一案六個月限滿竟犯未據報將承緝不力

之寶應縣知縣王宸偽咨叅原咨送吏部議等因前來 應將初叅

承緝不力寶應縣知縣王宸偽照例任俸勒限一年緝拿

一件為報明事查得刑部咨稱河東總督田文鏡以鎮平縣王文玉等地界內打死不知姓名人一案六個月限滿亮犯尚未弋獲將承緝不力鎮平縣知縣顏肇亮咨奉原咨送吏部議等因前來
應將初奉承緝不力鎮平縣知縣顏肇亮照例俸勒限一年緝拿

一件為稟報事查得原任福建巡撫常賚咨稱彰化縣庄民俞毓惠賴漢舉危淑昌三人被生番殺死一案限滿未據獲亮審解將承緝不力彰化縣知縣張縞咨奉等因前來
應將初奉承緝不力彰化縣知縣張縞照例俸勒限一年緝拿查張縞已經留閩另補應照離任官例

於補官日罰俸一年未獲亮犯交與接任官照案緝拿

一件為殺命丟屍等事查得原任福建巡撫常賚咨稱王科控告伊男王軒被人毆死丟屍一案六個月限滿未據獲亮審解將承緝不力署海澄縣事候補通判劉浴等咨奉等因前來
除按署海澄縣事今補

海澄縣解任知縣馮紹立現署海澄縣事候補知縣今改補教職用顧孫蕃俱係接緝之員例無處分無庸議外應將初奉承緝不力署海澄

縣事候補通判劉浴照例住俸勒限一年緝拿查劉浴已補彰州府通判應照離任官例於現任內罰俸一年未獲免犯交與接任官照案緝拿

一件為知照事查得刑部咨稱署理奉天府府尹事王朝恩以承德縣奉部發到徒民葉千枝病故查葉千枝何係患病該犯親屬具保就醫後據該保人等呈報脫逃該縣當即查緝報明在案嗣奉刑部拿獲發回枷責知縣吳正心職名可否邀免統聽部議等因前來應將承德

縣知縣已陞江南常州府同知又經迴避吳正心照例於補官日罰俸三個月

一件為詳請咨叅失察貨賣賭具職名事查得原任江西巡撫布蘭泰咨稱訪拿賭棍苗文相等發司并提賣賭具之黎姓究擬招解據苗文相等自認設法誘賭不諱黎隆王亦認販賣骰具是實所有失察賭博并不行查禁賭具之新建縣知縣白潔等相應咨奉府司前來應將失察賭博之新建縣知縣已陞徐州知州白潔等照例於現